



## Universitätsbibliothek Paderborn

**Bona Volvntas Optimæ Consentiens. Seu De Sequendo In  
Omnibus Ductu Providentiæ Diviniæ**

**Fouillon, Jean E.**

**Leodii, 1657**

III. Dei bonitas confertur cum creata.

[urn:nbn:de:hbz:466:1-54992](#)

*æger non in Domino, sed magis in medicorum  
arte confidit, non infidelis, sed immemor.*  
Ita mercatores, Jacobi cap. 4. de annis &  
lucris constituunt, omissâ necessariâ illâ  
in futurum conditione, *si Deus voluerit.*  
Sciunt sanè à Deo regi omnia, & eventûs  
omnes ejus arbitrio contemperari, neque  
experientiam suam, ingeniumve, aut for-  
tunam, aliud esse, quam supremi guber-  
natoris instrumentum: sed quod sciunt,  
non adspiciunt, eodemque modo agunt,  
ac si nescirent, vel non crederent.

III.  
*Dei bonitas  
confertur  
cum creata.* Ut de hoc altero hominum ge-  
nere non sumus, nam de primo  
absit ut ullus vel tenuiter pius  
cogitet, firmiter hanc veritatem menti  
infigamus: Mortalium nulli, aut aliarum  
intelligibilium creaturarum, ne nobis  
quidem ipsis; tam bonam erga nos esse  
voluntatem, quam Deo, ut bonum veli-  
mus: nec tantam sapientiam, ut eliga-  
mus media ad finem: nec tantam poten-  
tiam, ut possimus exequi quod destinavi-  
mus. Ergo melius multò à Deo nos  
regi, quam à nobis ipsis, aut ab homini-  
bus

## 160 BONA VOLUNTAS

bus ingeniisve aliis, nisi Deus illis ad nos  
ducendos utatur. Deinus satis te habe-  
re bonitatis ut tibi bene velis, quomodo  
oportet. Negarint enim hoc multi.  
Negavit certe D. Thomas 2. 2. quæst. 26.  
art. 6. multos à semetipsis vere amari,  
quia cùm in homine sint duo, scilicet natura  
spiritualis, & natura corporalis: per hoc  
homo dicitur diligere seipsum, quod diligit se  
secundum naturam rationalem. Qui au-  
tem ita se non diligunt, odere. Accedit  
Divo Thomæ Christi sententia, Matth.  
cap. 10. ubi ait, ab iis perdi animam suam,  
qui eam amant, videlicet, non quâ exter-  
na est & spiritualis, sed quâ immersa in  
corpus & carnem. Accedit Sapiens c. 17.  
Sapien. ubi de hominibus loquens se-  
metipso sequentibus, & odiose amanti-  
bus, Indisciplinas appellat animas, &  
fugitivas Providentiae. Accedit experien-  
tia quotidiana hominum sponte suâ pe-  
reuntium: nam, ut Sapient. cap. 1. dicitur,  
*Deus mortem non fecit, nec lætatur in perdi-  
tione virorum: sed impii manibus & verbis  
accersiverunt illam.* Demus tamen vere

MC  
160

te amari à teipso. Demus & illos, quibus fidis, satis habere bonitatis, ut te ament. Dubitârint enim ea de re Philosophi, qui veram amicitiam vix uspiam reperiri existimant, regnare passim amorem concupiscentiæ. Christus amplius dicit: *Cavete ab hominibus: Inimici hominis domestici ejus tradet frater fratrem.* Ostendit experientia fraudes, inconstantias, proditiones inter conjunctissimos, qui ut necessitudinis & amicitiæ exempla spectabantur. Esto tamen Augustino Alpius, Basilio Magno Nanzianzenus, Paullino Sulpitius, Chrysostomo Basilius Seleuciensis, Davidi Jonathas, Eliæ Elisæus, tibi fidus & constans animus. Sed eorum benevolentia comparandâne divinæ? Amântne te æquè ac Deus? Si dubitas, revoca ad calculos, ut gratitudo solet, eorum pro te studia & opera: vide an pro te mundum creârint, pro te infame crucis supplicium subierint? Dicebat D. Teresæ Christus: si mundum non creasse, tibi crearem. Innocens, sancta, amabilis illa fuit: at non talis apostata ille perfidus, de quo.

quo Christus, cum Carpo agens apud Dionysium affirmavit, pro perduto illo etiamnum crucem sese lubeter passurum, si passus non esset. Quis amicorum prote id faciat? Imò, quis pro se? Isti tamen amico, aut tibi ipsi, plus fidas quam Deo?

IV.  
*Sapientia humana qualis?* Sed faciamus, bonitati ac volūtati tuæ, & tuorum, prorsùs te posse confidere. An verò sapientiæ innitēris, contra Sapientis iterata toties præcepta: ne sis sapiens apud temetipsum: ne innitaris prudentiæ tuæ: qui confidit in cogitationibus suis impiè agit? Velsim mihi bona omnia, & solidè bona: velint etiam alii. At modósne eò veniendi pervidemus? Penetramúsne ac perspicimus commoda universa, incommoda, auxilia, obstacula, difficultates? Verissimè Sapiens dixit cap. 9. Sapient. Cogitationes mortalium timidæ, & incertæ providentia nostræ. D. Bernardo, Sermone de fallacia vitæ præsentis, inventa, & commenta ingenii humani similia sunt igni, ac luci, lampadis exiguae, aut parvuli cerei. Vix allucet